



Broj: 01-05-1373/16
Sarajevo, 17.05.2016. godine

KANTON SARAJEVO
SKUPŠTINA KANTONA SARAJEVO
- OVDJE -

PREDMET: Izjašnjenje na zastupničku inicijativu zastupnika Semira Halilovića, dostavlja se

Zastupnik Semir Halilović je na 11. Radnoj sjednici Skupštine Kantona Sarajevo održanoj dana 01.02.2016. godine, u okviru tačke dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo sljedeću zastupničku inicijativu:

„Iniciram kod Ministarstva za boračka pitanja Kantona Sarajevo da pokrene proceduru za izradu idejnog rješenja i postavljanje spomen obilježja u neposrednoj blizini Skupštine KS, na mjestu gdje se odigrala bitka 2. maja 1992. godine, kao jedna od strategijskih i historijski najvažnijih bitaka koje Sarajevo još uvijek nije obilježilo. Također, iniciram kod istog Ministarstva da pokrene proceduru za izradu idejnog rješenja i dobijanja potrebne dokumentacije, za pravljenje prikladnog spomenika svim pripadnicima Armije RBiH, na Malom polju – Igman, gdje se jula i augusta 1993. godine odvila, također, strategijska bitka za državu Bosnu i Hercegovinu, a ovo mjesto još uvijek nije obilježeno ni na kakav način.“

Na pokrenutu zastupničku inicijativu dajemo sljedeće

I Z J A Š N J E N J E

Ministarstvo za boračka pitanja Kantona Sarajevo podržava ovu inicijativu, te ovim putem želimo istaći da je ovo ministarstvo 2011. godine podržalo Odluku Općinskog vijeća Centar o obrazovanju Inicijativnog odbora za izgradnju Spomen obilježja na lokalitetu Skenderija gdje se 2. maja 1992. godine odigrala ključna bitka za odbranu Grada Sarajeva i države Bosne i Hercegovine, kada je zahvaljujući nadljudskim naporima patriota odbranjeno Predsjedništvo i druge institucije Republike Bosne i Hercegovine. Također, ovo ministarstvo je uputilo identičnu Inicijativu prema Skupštinskim Komisijama Kantona Sarajevo i to Komisiji za boračka pitanja Kantona Sarajevo i Komisiji za obilježavanje, očuvanje i njegovanje historijskih događaja i ličnosti. Inicijativni odbor je tokom 2012. godine imao određene aktivnosti na utvrđivanju Prijedloga lokacije za izgradnju Spomenika, određivanje procedure za izradu idejnog rješenja za izgradnju spomenika, te utvrđivanju prijedloga novog stručnog pododbora koji će utvrditi lokaciju i proceduru izbora najboljeg Idejnog rješenja za izgradnju Spomen obilježja.



web: <http://mbp.ks.gov.ba>
e-mail: minbopi@ks.gov.ba;
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1





Obzirom da je došlo do zastoja u daljim aktivnostima oko izgradnje gore navedenog Spomen obilježja, Ministarstvo za boračka pitanja Kantona Sarajevo je svojim aktom broj: 06-14-sl/16 od 18.02.2016. godine uputilo zahtjev Općinskom vijeću Centar u kojem smo tražili da nam dostave informaciju o stepenu realizacije aktivnosti na izgradnji istog sa posebnim akcentom na planirane aktivnosti u ovoj godini. Do dana upućivanja ovog izjašnjenja, Ministarstvo za boračka pitanja Kantona Sarajevo nije dobilo traženu Informaciju, ali imamo određena saznanja da je Općina Centar 04. maja 2016. godine, postavila Spomen ploču u znak sjećanja na bitke vođene 2. maja ratne 1992. godine.

Kada je u pitanju izgradnja Spomen obilježja svim pripadnicima Armije RBiH na lokaciji Malog polja – Igman, Ministarstvo za boračka pitanja Kantona Sarajevo je svojim aktom broj 06-14-sl/16 od 19.02.2016. godine dalo Saglasnost Fondu Memorijala Kantona Sarajevo da u saradnji sa Općinom Hadžići i drugim relevantnim institucijama, pokrene proceduru rješavanja imovinsko-pravnih odnosa, izrade idejnog rješenja, te dobijanja potrebne urbanističko-tehničke dokumentacije, a u cilju izgradnje prikladnog Spomen obilježja svim pripadnicima Armije RBiH na lokaciji Malog polja - Igman, koji bi podsjećao na strategijski važnu bitku jula-augusta 1993. godine, kada su se hrabri branioци susprostavili tehnički nadmoćnijem agresoru, te odbranili ovu planinu, grad Sarajevo i državu Bosnu i Hercegovinu.

Shodno navedenom, Ministarstvo za boračka pitanja Kantona Sarajevo je u dosadašnjem radu iznalazilo načine, a i u buduće će to činiti, da podrži i pomogne izgradnju spomen obilježja svim poginulim borcima-braniteljima Bosne i Hercegovine, zaslužnim za odbranu Grada Sarajeva i države Bosne i Hercegovine, a u skladu sa raspoloživim finansijskim sredstvima.

S poštovanjem,

Obradila: Mališević Nasiha

Kontrolisali: mr. Adilović Belma
Osman Smajlović



MINISTAR

mr. Muharem Eišo

Dostaviti:

- Predsjedateljici Skupštine Kantona Sarajevo,
- Stručnoj službi Vlade Kantona Sarajevo,
- evidencija,
- a/a.

